

DEN AMBIENTE

VICENTE KELLY GANADOR FESTIVAL UN CANTO NA HIMNO Y BANDERA...



**** Vicente Kelly ta ricibi su trofeo for di man di Ada Croes, ruman muher di Betico Croes (den feliz memoria).**

Publico Arubiano a laga hopi di desea... ** Diasabra siman pasa a tuma lugar den Trappers Club e festival "UN CANTO NA HIMNO Y BANDERA", den cual Vicente Kelly a sali maximo ganador tanto como cantante y compositor cu su danza "Aruba Pabien".

Juancho Kock a bay cas cu e trofeo como cantante popular cu su tumba "Ban Festeha"-compone pa Ricardo Luydens.

Como prome finalista a sali e damita Izaira Cruz cu su waltz "Aruba Pakiko Pidi

Mas"-compone pa Vicente Kelly: segundo finalista; Mario Stenen cu su potpori Arubiano "Aruba Nos Isla"-compone pa Martin Quandus: tercer finalista; Aileen Croes cu su waltz "Aruba Tera Priminti"-compone pa Martin Quandus: cuarto finalista; Danilo Vrolijk cu su waltz "Aruba Patria Aprecia"-compone pa Concepcion Ras.

Durante e festival aki a participa 15 cantante y siete agrupacion musical.

Segun DEN AMBIENTE por a compronde cu e ganador di e festival aki a ser huzga pa su contenido di texto

(mensahe), den cual Vicente Kelly y Martin Quandus a bay cas cu dos premio.

Algo di lamenta pero tambe comprensible, tabata e asistencia pover pa e festival aki, cual ta uno netamente ARUBIANO y cu mester a goza di un apoyo masal.

Esaki por ta debi cu e festival aki a ser cancela riba su dia original, cual por tabata un factor grandi. Tambe e promocion pa e festival aki a laga hopi di desea.

Ta di spera cu otro aña e festival aki lo ser promovi manera debe ser, pa asina e resulta den un exito rotundo...



**** Tremendo mes e jovencita aki a sa di interpreta su bunita waltz "Aruba y su Libertador", cual a ser compone pa Lulu Croes. E jovencita aki pa su edad no por a competi. Su number ta VERONIQUE CROES, kende merece tur clase di merito pa su curashi y amor pa su patria stima Aruba...**

NOS TAMBE KIER TA DEN AMBIENTE!!!



**** Durante e festival "Un Canto na nos Himno y Bandera" siman pasa den Trappers Club, DEN AMBIENTE a keda sorprende pa e dos criaturanan aki, kendenan den un forma espontaneo a pose dilanti e camera di DEN AMBIENTE y EXIGI cu nan tambe kier ta DEN AMBIENTE...**



**** E finalistanan (r.p.d.) Danilo Vrolijk, Aileen Croes, Mario Stenen, Juancho Kock (popular) y Izaira Cruz...**